



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiæ

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

S. Rupertus Abbas. S. E. doctor, et Sacræ, a B. virgine Maria instructus, reparator et illustrator. cap. LXXIII.

urn:nbn:de:hbz:466:1-38397

habitu, augustissimum Eucharistiæ Sacramentum sinistra tenentis depictus conspicitur, quod tanti Sacramenti maiestatem non uerbo tantum, sed etiam scripto egregiè defendit, ut ex eius libro colligere licet, qui ab eius sæcundissimo ingenio prodiit, cum refutatione diuersarum hæreseon.

De ueritate Corporis & Sanguinis Domini in Eucharistiæ Sacramento, lib. 1. Qui excusus est Basileæ, cum Philastrii catalogo de hæreticis; & iterum ibidem cum aliis ueterum Theologorum opusculis, anno 1551. item & Louanii, cum aliis de eadem materia apud Hieronymum Vuellæum, anno 1561. nouissime quoque Parisiis tomo 4. bibliothecæ SS. Patrum 1576. in fol.

Quanta etiam fuerit eius in sacris litteris, diuinis quæ, & humanis legibus scientia, satis ostendunt quos

In omnes Pauli Apostoli epistolas, lib. 14.

Et in Psalterium, lib. 1.

edidit commentarios; & ille, quem de Gestis Gulielmi Comitis fecit.

Vitam tandem mortalem, immortali commutauit, anno Do. 1089. Supplement. Chron. lib. 12. Trittemius de uir. ill. ord. S. Bened. lib. 2. c. 99. & alij infiniti.

S. R U P E R T V S A B B A S:

S. E. Doctor, & Sacræ Scripturæ, à B. Virgine Maria instructus,

Reparator, & illustrator

Qui enim ponit illam in corde suo, sapiens erit semper.
Eccles. 50. Cap. LXXIII.



LTIMO loco uidetur S. Rupertus Abbas Tuitiensis, Abbatis habitu, librum apertum manibustinentis, imagine sacratissimæ Virginis Mariæ firmiter decoratum; cuius doctrinæ excellentiam non solum multa uolumina ab eo scripta indicant, sed etiam miraculum quo eam de cœlumnâ accepit. Hic enim à iuuentute monasterium S. Laurentii in Oesbronx

Oesbrouck iuxta Traiectum, ordinis S. Benedicti, congregationis Cluniacensis, ingressus, cum in litteris quod idiota esset, parum, aut nihil proficeret, ac memoria esset tardiore, precibus apud Virginem Dei matrem institit, ut sibi à filio scripturarum intelligentiam impetraret: apparens illi Mater illa gratia, preces eius exauditas retulit, ei que postea tantum scientiæ lumen impartitum iri, ut nullus eius ætatis doctrina ei æquari posset; tantum videret ne talento sibi concessio abuteretur. Ab eoigitur tempore, usque ad uitæ ultimum, diuini amoris igne succensus, tanto intelligentiæ diuinarum scripturarum dono repletus est, easque ita legit, & exposuit, ut ab eorum studio amoueri non posset. Et intantum eas dilexit, ut cura temporalium rerum postposita, fuit enim Abbas cœnobij S. Laurentij Tuitiensis, iuxta Coloniā, & aliis idoneis commissa, ipse solis spiritualibus, & internis studiis vacabat; in quibus tantum se exercuit, ut nec dormiens quidem ab illarum meditatione, quiescere posse uideretur, quin lingua, & labra eius quasi legendo mouerentur. Eius autem omnia opera diuina, quibus sacrosanctam Christi Ecclesiam ultra omnem humanum modum iuuisse fertur, impressa sunt Coloniæ in tribus tomis, anno 1533. & 1566. & apud hæredes Birchmanni, 1577. in fol. quæ sunt

Cometarii in Matt. li. 13. separatim excusi sunt Paris. 1545. in 8
De glorificatione Trinitatis, & processione Spiritus sancti, excusi sunt Parisiis anno 1545. in 8.

Commentarii in Prophetas minores, lib. 30. qui excusi sunt, & Parisijs in 8.

De operibus sanctæ Trinitatis, lib. 42.

Commentarii in Euangelium Ioannis, lib. 14. qui excusi sunt Parisijs 1545. in 8.

In Apocalypsim eiusdem, lib. 12.

In Cantica Canticorum, lib. 7.

De diuinis officiis, lib. 12. excusi & Antuerpiæ 1593. & 1594 in 12. & alibi sæpe.

De uictoria uerbi Dei, lib. 13. excusi & Coloniæ, in 8.

Scriptis & de incendio Tuitiensi, in quo Corpus Domini à flamma circumfusa intactum remansit, libros tres.

Item de meditatione mortis, libros duos, qui excusi sunt Coloniæ 1572. in 8. simul cum auctoris uita, & præcedentibus tribus de incendio Tuitiensi.

Feruntur, & Commentariorum.

In

In Genesim, lib. 9.
 In Iob, lib. 10.
 In libros Regum, lib. 15.
 Super Regulam S. Benedicti, lib. 4.
 Apologeticum eiusdem operis, lib. 1.
 Epistolarum ad diuersos, lib. 1.
 De vita S. Hereberti Episcopi Colonienfis, stylo nouo, lib. 1.
 qui est apud Surium tomo 2.
 De vita S. Eliphii Martyris, lib. 1.
 qui est Coloniz MS.

Et alia nonnulla, quæ nondum ad manus meas peruenerunt, & utrum excusa sint ignoro.

Floruit anno Domini 1130. Obijtque sub Lothario III. Imperatore.